

瀘溪縣志卷之十二

雜志

春秋紀災不紀祥此聖人之微旨宰治者詎可忽諸而紺宮梵宇巍處於域中羽客緇流方技術數苟能得其積悟之天亦自流教之一種王人量弘無外所以成天地之廣大也若夫理之所無事或時有名人不必數見濫阡京原前志既登姑仍其舊可也志雜志

祥異

瀘溪縣志

卷之末

雜志

一

萬歷七年五月下黑黍狀如樟子炊之可食 六月雨雪屋瓦皆積

萬歷八年六月雨雹大如鷄子碎屋瓦折樹枝 七月地震聲轟如雷河水湧起

萬歷十六年大饑

萬歷十七年大疫

萬歷三十一年三月大風雨雹屋瓦盡裂

萬歷三十二年七月地震十一月又震房屋柱礎響裂  
萬歷三十七年大水壞田傷稼



萬歷四十年大水連浸壞田八月雨雹大如石塊有稜角

天啟七年荒旱

崇正九年大荒

崇正十一年鉛山妖寇張普維掠縣城焚廬舍隨犯府治至新橋官兵敗之乃散

崇正十七年地震民疫死者無數

順治二年瀘地山寇盤踞挾餉民無寧宇十一月招降始靖

瀘溪縣志

卷之末 雜志

順治四年歲大稜民多饑死

順治五年金聲桓王德仁據省叛土寇竊發民廬盡燬

順治六年寇亂大荒米斗錢六百餓殍載路

順治八年張自盛踞大覺巖聚黨數百標掠近地男婦逃散當事具聞敕官兵蕩平之

順治九年山寇嘯聚貴溪朗港時掠瀘邑人民流離

順治十一年連年寇亂賊往來如織天疫死者幾半

順治十二年山寇復聚盤踞以官兵捕急降瀘地始獲

安堵



順治十六年大旱

康熙四年大水旱

康熙五年旱

康熙八年久雪大風折木牆屋多傾民有壓死者

康熙九年十二月十二日大雪至二十八日止人畜多

凍死竹木盡折

康熙十年田禾半收

康熙十一年旱蝗疫

康熙十三年閩寇蹂躪百姓流離田地俱荒至十七年

瀘溪縣志

卷之末雜志

三

漸平是年四月二十日夜有赤氣自北而南長約數  
十丈尾流星光沒後白氣經天歷時始散

康熙十七年江機楊一豹等嘯聚廣信銅山鉄山流瀘  
肆虐復潛貴溪閔坑數犯瀘地焚殺擄掠十八年官  
兵進勦江機逃聚光澤嘉禾楊一豹逃聚光澤山頭  
犄角荼毒新瀘二境將軍尚提兵擒獲乃靖秋七月  
蝗生霜降十月彗星見芒如白練竟天之半月餘乃  
沒

康熙二十一年五月彗星見芒微而短七月乃沒



康熙二十二年夏大水

康熙二十七年六月連日大雨平地水高數丈民溺死  
無筭

康熙四十三年荒穀石銀壹兩

康熙五十三年大凍月餘

康熙五十六年荒穀石銀壹兩

康熙五十九年七月大旱縣令白潔虔禱月餘始沛甘  
霖

雍正五年四月暴雨平地水深二丈餘近河田地傾塌

瀘溪縣志

卷之末 雜志

四

數百餘畝

雍正八年六月六日風雨寒平地水丈餘念七日復大  
水



寺觀

廣仁寺

原址建縣別觀  
北城外司前

廣福寺

在西門外

隆興寺

去東隅二里僧仰宗掛錫蕪溪金斗窠康熙甲子邑李姓及僧月生延主隆興寺維時寺僅數

椽仰宗宏其願力鼎建殿宇

獅山寺

在一都魯姓建

瑞相寺

在二都高阜  
曾順四建

仁濟寺

在三都

法水寺

在四都唐開元間建舊以溫湯為額後改靈泉宋景憲初改法水禪院寺前有羅漢松二株大

數十圍高七八丈盤鬱婆娑形如偃蓋明萬歷戊午燬石文器有重建序法水寺舊屬南城六十四都今瀘溪之四都田畔有牛耳泉循左上上里許則溫泉出焉因假佛之法以各寺所從來豈一日哉予猶記先祖言昔時

瀘溪縣志

卷之末 雜志

五

在南城僧徒數十人有民米八十餘石稱富利凡尋溫泉之勝者憩息無空日後差徭重困僧規不立堪輿家謂寺脈吉秀風氣攸萃宜陰宅引范越鳳鈐記為証寺產屢為豪有力者席捲殆盡而寺日以頽僧日以瘠然變率巍峩經藏森架余猶目擊也歲戊午燬後里中嘖有煩言有謂日久垂涎圖為里巷者有謂輔車相依彼此謀分智伯以各厭所願者不佞初疑之后詢其由則不火於晝而火於夜火蓄於西而發於東不火於有人而火於僧之出且既燬之後不容僧居止竟蓋茅房而舍婦女人言豈無據而然哉徧地金錢祗園精舍施舍說法其於佛教無論已乃郡邑有志寺產有律國家制度凜如日星名勝之地輪蹄游息在昔瀘封未啓為南城之荒徼間左豪有力之家至逋國賦而不敢恣睢以滅寺驅僧也今縣治伊邇法紀著明里中士紳星列有茲機巧如城膽大如天者是遵何法哉不佞因內艱歸暇閱將北而以侍父稽留日擊斯變大為扼腕里中眾信偕寺僧演承詣門請序募緣重建因捐資為倡而且以其成勝槩告諸樂助者施無論多寡片瓦寸木總成



緣果衆曰一笠如來梁武實應多福今人所廢君所興德莫厚焉福莫隆焉予應之曰非也法一也在釋爲佛法在吾爲道法在國家爲紀法予因法水寺之燬而顧名思義觸吾振法之思彼廢刹以滅法吾復刹以明法護國法也非護佛法也堂堂額寺么麼輩公然廢之令浴溫泉攬牛耳者撫寺之名而究其實太息於茲土蒞官行法者而坐視陵旦不亦羞地主而負山靈耶余令曲江時有曹溪南華寺乃六祖證果勝地僧千餘人爲東南大刹距縣治兩舍寺大僧製遊寓尤多每有不法者前令因其地勝縉紳及諸司道繹絡遊賞僧由是得以口舌雖黃多務姑息以彌邯鄲之虎而僧之不法滋甚予廉諸狡黠者置之理一以法從事僧始凜凜三尺今雖居里閭創僧復刹其意一也忍觀豪暴以滅法廢寺乎哉丈夫有志持法以興衰起弊天紘地維寔擔負之豈區區一寺之復憑爲福德哉 前縣沈侯有跋今智行承妙覺之遺緒次第修建智登智岸光而大之道燦皜白佛相三畏沿而守 晃生寺 在四都石播叔建任之庶幾此寺得以不廢 持僧學悟擴大之

瀘溪縣志

卷之末 雜志

六

定安寺

在四都杜藍宋紹興二年參軍石松建淳熙七年石致平請於朝勅賜安定之院匾額

慈明寺

在五都火源唐名雲慶宋治平初改今額官溪黃十萬建雍正年間連訟積逋田業典賣寺僧

不振乾隆十一年黃姓書請南城中山寺僧騰衍住持騰衍始至出橐金理還舊業要約耕蓄殿廡爲之一新

慧光寺

在五都石士良建舊名諸禪宋治平改今額

安福寺

在六都東源

集義寺

在七都陽谿

覺林寺

在七都

濟衆寺

在八都舊名嶽峯宋改今額

普仁寺

在九都

仙福寺

在九都

大陽山寺

在九都明季寇斥荒頽僧德經同徒就然甦然墾闢創興力耕理產徒衆日盛爲瀘邑首

刹



真如禪寺 在十都地名寶應山唐代建額  
曰地藏宋治平初改今額

妙明寺 在十都 青蓮寺 在十都

廣覺寺 在十一都東任持僧  
蕃宗西任持僧沛南

福源寺 在十二都鄧黃丁李  
建各施山田立有碑

梵天寺 在十四都 興梵寺 在十五都長慶山唐  
名再興宋改今額

饒山寺 在十六都宋  
建舊各澤心 惠光寺 五都盤溪石仕良  
裔孫石交巒重建

飛來庵 僧無學建地  
王林錫袞 金竺庵 在東  
門外

圓通庵 在縣北  
林姓建 仙師峯庵 在北隅  
椒澗

七姑仙庵 在西關外 洗心庵 在西隅長境  
盧姓建今燬

瀘溪縣志 卷之末 雜誌 七

長興嶺庵 在縣南十里原建嶺左施茶稱爲茶庵僧念  
水移于嶺右雍正年間盧宗臣林大振林孟

芳等三十六人捐田八秤  
增贍茶費立石碑亭前 天堂庵 在西隅距縣  
十里盧姓建

高山庵 在一都 興文庵 在一都

慈照庵 在一都  
魯姓建 接龍庵 在一都  
單姓建

萬年渡庵 在一都魯  
氏門首 禪嶺庵 在一都

如來渡庵 在一都魯輝先龍章等  
募建有糧一石三斗零

福慧庵 在二都霧濃七都庵下周仰宇堊其右半里許  
地名金竺二陂建庵延僧看護有贍僧杉山一嶂

根二  
石零 金船庵 在二都

五雲庵 在二都 白雲庵 在二都



萬福庵

在三都河洋明季僧老龍創中興僧澄波

福壽庵

在三都法水傳一宗建

長福庵

在三都何師嶺

龍潭庵

在三都

雲水庵

在三都彭成萬熊飛雲同建

仰山庵

五都盤溪石憲祖之妻黃氏建

泉石庵

在四都三坵嶺乃瀘之通衢李元經倡捐騰龍庵僧石松募成置田施茶立有碑

慧日庵

在四都尚善堂公館後石姓建

普照庵

在四都

星映庵

在四都

太平庵

在四都

騰龍庵

在四都朱之翰建

梵覺峯庵

在四都吳雲扶建僧行圓

仁社庵

在五都

渡人庵

在五都

心鏡庵

在五都龍蔭謝心宇建貢士鄧汝賢施田糧九號計租米四十三石五斗正邑令楊倓批准勒

瀘溪縣志

卷之末 雜志

八

石永禁庵僧不得盜賣并錫好善樂施匾額立主位庵西三仙堂

大仰庵

在五都石盤溪建

石龍庵

在五都南堡

金鎖庵

在五都石文器有記金鎖庵屬瀘之五都叢山蟠結聞寂無居人地多阨脫余宗人明堅茹苦

修行相其地創庵居之其徒貞月等左右其間種粟麻自給久之稍豐因置耕牛器具山之坡窪處皆墾成田徒從日益衆田高而土疎每霖潦山水峻急衝激成濠明堅率其徒砌築爲埂隨陵夷鱗疊以是水不能爲沙載丈量冊中晝則力耕昕夕焚香誦經一燈之油一粒之米不以乞人金鎖之名蓋藉藉都堡間歲庚申庵僧某南城人聽堪輿觀其畔有吉盜塋已而衆僧覺攻之急遂投縋死訟於官庵原無檀樾主人人乘釁齟齬僧因訟稱貸力竭不能償衆議散去明堅悲思作始不忍棄乃持其庵若產出質以償負并求爲檀那王予用是捐金若干畀之每歲量收花息以明庵田有王僧不得白爲政以擅塋其親人不得耽視以艷爲可逐之鹿也







東山觀 在十一都

迎仙觀 在十一都

西華觀 在十四都

東華道院 在四都裏山俗因呼為裏山觀  
宋治平二年鵬山盧一宗建

道堂觀音閣 在一都

高武閣 在一都

飛龍閣 在六都

接仙洞 在十二都陳坊山南三仙顯  
跡其上土人因廬而祀之

永興殿 在一都會輝先  
煥章及人等建

總管殿 在八都  
里母

磔上夫人殿 在十二都陳坊

會龍殿 在十六都

方外

瀘溪縣志

卷之末 雜誌

十

澤心寺僧觀濤飛錫諸方受衣鉢於覺浪大師著有學

亭語錄行世

僧如默駐錫獅峯潛心內典善山水尤長於詩與李太

虛黎博庵相友善

平陽圓通庵開山僧萬歷年間出家苦行頓悟自知逝

期一月之先遂不火食命徒預備化具至則自登火

臺佛號數千聲火至胸前方擲木魚而逝

僧千一姓鄧名春西蜀人宋端宗時掛錫福源寺酷暑

効行上覆彩雲出入馴虎隨之里人傳潛釣魚九曲



溪見虎大懼千揮虎退因爲買魚放生潛告魚已剝  
腸無復生理千笑投水中魚卽拖腸活逝潛詫之遂  
師事焉旋邀知友湖山進士周漸敬建麻地精舍居  
之後跌坐而化垂今數百年鄉人稱爲得道禪師肉  
身猶存寺塔中明萬歷間天旱祈雨彷彿千跨神龍  
而下甘霖立沛事聞益藩區賜通天手眼

周玳九都澤西人授正一秘法歲大旱禱於龍潭不應  
玳投以鐵符頃刻風雨立至枯苗頓蘇

青蓮寺僧慧圓身依浮屠志切琴書端重寡言引人爲

善此亦非假茹素食淡以惑人者

饒山僧無學初寺爲瀘邑富利僧頗驕縱勢漸衰自無  
學主寺政痛爲裁抑已壞之緒再興鼎新殿宇增廓  
山田建十里源石橋飛來庵倡捐初溪渡接龍橋議  
建首捐百餘金亦僧之能力拓而有才者

萬福庵僧澄波里中黃氏子也馴飭如儒者不<sub>不</sub>攘於  
世俗力自辦持恢產建刹曾識聯云里子憨緇衣銷  
華歲牧澤樵山遠求三飯伊蒲閃若五燈虞滅却頭  
陀迂白髮滯剝廬撼風頓雨誰問十方歷劫藐惟一



木疆支來

北墓

宋太學說書李觀墓

在郡治北郭鳳凰山麓門人陳次公志其墓銘曰余侍先生得堯舜

禹湯文武周公孔子之事甚詳皆本詩書非諸子之緒言也於是浩嘆魏晉之際莽卓之間息慎之時聖人之道已大壞有由然及寇莊生之言今世之仁人蒿目而憂世之患不仁之人决性命之情而饜富貴焉知曾史之不為築路之嚆矢曰儒者亦嘗是之而予獨是之嗚呼天乎其意不在斯文乎何奪先生之速哉何奪先生之心哉郡守立思賢堂以祀之明成化三年盜發先生塚知府謝士元具棺衾易塋大營石壙會邑人吏部主事左贊請於朝得立祠禁樵牧南城縣支公項銀四兩歲祭以少牢學士陳鑑修撰羅倫皆有記見藝文

于志寧墓

在十一都外西城

李山甫墓

在五都槐坪

石松墓

在藍田象湖

石致平墓

在稠源傅家山



鄧英墓 在下坊 桐樹源

黃吳老墓 在東源 向城山

林亮墓 在光澤縣十三都玉 佩營心黃氏屋後

饒廷直墓 在八都

黃叔羨墓 在官溪 周公橋

陳子野墓 在十二都 陳坊

傅以掄墓 在普濟山

鄧觀國墓 在莒州 屋後

李彥回墓 在五都 視頭鳳尾窩

李淵墓 在五都 陳畚鄧宅後

周安禮墓 在三都 松林頭

龔夢仁墓 在八都 安居

李子高墓 在葉源 李觀撰墓表

鄧維屏墓 在十六都 巖坑翰林院學士謝德溥撰墓誌 銘曰天生君子惟德之行江離薛芷處晦

而光乘乎箕尾雲漢為章克昌厥後山高水長

瀘溪縣志

卷之末 雜志

石德盛墓 在二都 石家塘吏部主事章光岳撰墓誌銘 銘曰雲峯岑岑今魏我虬松鬱兮婆娑勁峭兮

公之骨蔓衍兮陟之羅水口奇 石烏紗弗磨雲仍奕葉蟬聯多

石文器墓 在四都 杜藍督學副使黎元寬撰墓誌銘 銘曰大日遂晡升龍號烏賢人已乎禦寇擊蒙

匪自其躬嘉言俊維何失幾先令袖老拳傷國不延天 不憇遺有所用之左右是宜敵兵大狂公走叫閭朱寫

來翔若隱其身以留遺民模楷後人維石巖巖姓字兩 函神鬼臨鑒礪詩乃成乃誓乃盟所南先生僅十年間

精制在山我甲難撥野哭獻欷其首獨巍中藏占衣正 氣網緼蒼梧有斐壹與排紛賢子曰珂謂我無譌銘詞

不磨 李惟覺墓 在西源 仁濟寺屋後

盧魁墓 本姓黃在十三都 岐山門前墩上翰林院李鳳 岐撰墓誌銘銘曰岐山之高兮勢巍我瀘水之

深兮揚清波先生芳規遺 李文墓 在三都 赤境橋下手 藪之卓卓兮永世不磨



李準墓 在五都槐坪

鄧一芝墓 在南城北門外斗華山傅家庵

後

鄧大儀墓 在本邑八都裏源

盧明遠墓 在南城北關外神嶺背周家段

節婦林氏墓 在南城十三都岳口鄱陽橋楊公山裏魏文演撰有誌銘

許高泰墓 在十四都許坊屋後

于佑墓 在上村里常家山

盧伯龍墓 在八都里募大坑口

處士石景明墓 在鍾富里口外各鳳山又曰鷺峯嶺長子倫十五次珩孫國道俱附阡

李大開墓 在十五都雙溪村際

盧宗臣墓 在法水寺屋后鳳形

盧溪縣志

卷之末 雜志

十四

李大開墓 在十五都

處士百景明墓 在十五都

盧伯龍墓 募大坑口

符高泰墓 在十四都

符高林氏墓 在南城十三都岳口

符大謙墓 在本邑八

符大謙墓 在本邑八

符一芝墓 在南城北門外

符一芝墓 在南城北門外



異聞

有老嫗鳳氏者萬某再娶婦也鳳無子惟諸女繁育而善視其前夫之子一日疾斃殮之僅未闔蓋已召昇者飯矣忽群麗其噉於廬左之扉俄呻吟聲出極中夫若子驚喜扶出怪詢之鳳徐述曰吾以悞誣隣某攘雞某死訴於冥司拘去冥主問司案吏曰鳳壽盡未吏曰鳳以善撫前婦子及勸人勿溺女兩事應增壽一紀得釋生還適噉噉所吠者前姊德我道我歸也觀此則輕溺女與薄其非已出之子者可警矣

有姓黃名某者生時負鄧仲銀三兩後數載鄧仲之男夢某叩門曰某曾負爾父銀三兩現爲猪償之所值尚未盈數聞將屠幸少假時月俾完若欠庶免再墮畜生道仲男稚而忘焉明日竟屠之仲男悵然感昨夢不忍啗父詰之以夢告仲亦感而焚其券

品南十里方家山有龍井禱雨必應先朝勅賜善濟潭歷傳巫者方姓爲坊民求雨不應怒湛其潭見宮殿巍峩有青衣鬟出曰此豈汝所宜至耶可速遁少留不得生因贈糶升許巫不屑受而出衣衫間帶數粒



注視之則精鏐也巫訝且悔覲復得其金再沉於井  
則有王者儀儼臨南面矣衛士邏得巫以獻南面者  
怒揮左右迅戮之解其體浮出井面少頃沒巫降夢  
家人曰我得勅爲潭守俛司出納女母我悼至今祈  
雨者必以牲體先致祭於巫而後文疏得達

貢生林三接癸巳廷試北上夜泊舟千金陂盜劫隣船  
驚避溺沒友人孝廉許子將攢瘞其棺水滸逮乙未  
清明之夕其師林某夢三接來謁初驚避之接前慰  
曰師弟何畏耶師驚定曰欲咨冥間事接曰幽明道  
隔師隨以素笺索題接援筆題云一杯黃土掩江濱  
芳草斜陽孰問人欲寫愁心相寄贈霜毫未染已傷  
神書罷飄然去其師覺而述之

康熙四年防兵購牛欲屠之維於杙少頃牛韉絕馳於  
關帝閣時防官馬某及耆民林永吉在焉牛踉蹌跪  
其前俛首流涕若有所訴者永吉曰女畏殺耶當請  
之防王救女牛點首如欲拜謝狀永吉曰女且退覓  
者隨至拽之不行復再跪如前防官愴然感之爲醮  
費給其人牛付永吉收養自是茹草不啖植物早暮



惟永吉呼號卽得後數月斃瘞之爾時感云事不啖  
牛肉者千百人

五都地方有怪人人家或搬去其用物或穢物污其飯  
曰晝與人言有詈之者輒投以石年餘舉火村舍一  
空



重修瀘溪縣志跋

林 彬 衰

六經治道之統會也九州一法物之陳也日月星辰所以運其機樞君臣父子所以昭其彝紀禮樂刑政所以其設施故治必於六經求之績必於九州底之由古而今由大而小而帝治王猷胥視乎此不知者斤斤取一二書冊以爲道在於是則亦拘儒之按圖索驥適見其格焉而不入矣瀘疆分自南城顧其風氣水土之所感南以柔瀘以剛南以文瀘以質若預儲一地以待瀘之邑者然計自前明萬歷癸未以來縣志已五修矣其

瀘溪縣志

卷之末跋

十八

間僻而漸通微而漸著秦莽而漸曠夷李泰伯先生其南土之首運乎石玉完先生其中興之派衍乎迨我朝定鼎函煦於詩書禮樂黼黻文章之盛百有餘年書於志者既詳且備矣今去辛亥之修纔二十年耳此二十年中膏澤於以屢沛庠序於以迭遷生齒蕃育物產阜出制度改觀多有可書而科第之膺雖斷續相仍一二志志鼓舞而振興之則亦不無奮袖振襟連翩以起者國亦運會昌明每逾時而更新修志之令屢下夫亦以施之上者進而不已積之下者久而益彰既已 爲成書



一考其持保盈泰暨訖聲教太平風景如有 觀而觀  
風俗者虞夏之詠歌殷周之風雅一一著見於星羅碁  
布之下而直取儒生所蘊蓄以証合之也共宇宙菁華  
一以維方輿之勝覽天象垂於地人羣同於地聖人修政  
一教爲斯世大其範圍繪一山川之氣象得其意而通  
之古今時勢之升降斟酌其因革損益以達於事權之  
變可行於一邑可行於天下大經之旨觸處皆是矣彼  
禹貢周官曲臺特其迹焉者耳雖然街談巷議野史稗  
乘固當代之所採擇統而會之理本一致條而析之義  
各有歸或者謬焉揚詡欲自附於史書又其甚者進而  
講大聖人春秋之旨要是亦未敢以爲然也

